



STINAPA TA INFORMA

SANTU KOMO EKIPAHE

Bo ta kòrd'é sigur komo bendedó den un pakus konosí den Kaya Grandi. For di 2003 e ta un bewakingsambtenaar di S.S.V. Coraline 'Colo' Martis, mama di tres ta eksperenshá diariamente e gran admirashon di turistanan pa nos naturalesa úniko. E ta rekordá ku nostalgia su infansia na kunukunan den e barío di Mexico i bou di Seru Grandi. Nan kunukunan no tabata tin ni awa ni koriente den e tempu ei. Nan tabata kumpra awa na WEB den bleki i tabata usa lampi di kerosin. Nan berdura- i frutanan tabata fresku fresku di propio kosecha.. Iai, e dushi karni di 'kleine beest' ku nan mes tabata kria! Ku e rekuerdonan aki Colo ta duna su introdukshon dikon e ta sintié asina privilegiá di ta bibando na Boneiru. Colo ta splika ku ora un hende lanta òf biba den naturalesa, e ta yuda otro komo famia. Bo ta krea pues un otro mentalidat bibando den naturalesa. "Es mas, nos naturalesa di Boneiru ta ofresé nos tur kos. Pues nos NO mester ta dependé di paisnan afó", segun Colo. E ta sigui akclará ku nos laman ta ofresé tur klase di piská. Miéntas nos mondinan ta ofresé plantashon i bestianan pa alimentá bo mes. Aunke Colo ta konsiente ku tin animalnan i plantanan den naturalesa Boneriano ku ta protehá. E naturalesa boneriano ta ofresé bo un trankilidat ku bo no ta ni topa na otro islanan karibeño. No ta nada straño ku den su trabou e ta mira ku su propio wowonan kon e turismo ta dependé di nos naturalesa. Mayoria turista ta kont'é ku nan ta bini pa e trankilidat i sambuyamentu. Esaki grásias na e laman asina limpi i bida bunita bou di laman. Un biaha mas Colo ta hasi e komparashon ku otro islanan ku e konosé den region. I un biaha mas Boneiru ta inkomparabel. Colo ta pidi nos tur pa kuida nos naturalesa. E mes tabata has'é diariamente dor di kontrolá hendenan ku kier sali foi Boneiru ku 'pida di naturalesa Boneriano.' Lokual nan haña, nan ta duna STINAPA. "Tabata tin un biaha un dama ku tabata tin un pòchi ku santu den su tas. Ora m'a puntr'é dikon, el a splikami ku e kier a mustra su yunan e santu. Pasobra nunca nan a wak santu asina bunita na nan pais." Skirbí pa Natalie Wanga, tradusí pa Marcel Nahr.

Pa mas informashon i reakshon: STINAPA, telefon 717 - 8444, info@stinapa.org

NOS TA BIBA DI NATURALESAS



Traha huntu na un desaroyo duradero pa Boneiru